

যুগান্তর

প্রিন্ট: ১০ ডিসেম্বর ২০২৫, ১১:৫৬ এএম

শিক্ষাঙ্গন

প্রাথমিকের শিক্ষকদের জন্য বড় দুঃসংবাদ



যুগান্তর প্রতিবেদন

প্রকাশ: ১০ ডিসেম্বর ২০২৫, ১২:২৬ এএম



ফাইল ছবি

সরকারি প্রাথমিক বিদ্যালয়ের শিক্ষকদের জন্য শীতকালীন ছুটি শুরু হওয়ার আগেই এলো দুঃসংবাদ। বার্ষিক পরীক্ষা সুষ্ঠুভাবে সম্পন্ন করতে শীতকালীন ছুটির কিছুদিন বাতিল করেছে প্রাথমিক শিক্ষা অধিদপ্তর। ফলে নির্ধারিত ছুটির পরিবর্তে ওই সময় শিক্ষকদের পরীক্ষার দায়িত্ব পালন করতে হবে।

মঙ্গলবার (৯ ডিসেম্বর) প্রাথমিক শিক্ষা অধিদপ্তরের উপসচিব রওশন আরা পলির সই করা এক চিঠিতে এ নির্দেশনা দেওয়া হয়।

অধিদপ্তর থেকে জারি করা চিঠিতে বলা হয়েছে, শিক্ষকদের সাম্প্রতিক আন্দোলনের কারণে দেশের অধিকাংশ সরকারি প্রাথমিক বিদ্যালয়ে ১, ২, ৩ ও ৪ ডিসেম্বর তৃতীয় প্রান্তিক মূল্যায়ন বা বার্ষিক পরীক্ষা নেওয়া সম্ভব হয়নি। এ অবস্থায় শিক্ষার্থীদের বার্ষিক মূল্যায়ন সম্পন্ন করার স্বার্থে শীতকালীন ছুটির কিছুদিন বাতিল করে পরীক্ষা গ্রহণের সিদ্ধান্ত নেওয়া হয়েছে।

এতে আরও বলা হয়, যেসব বিদ্যালয়ে নির্ধারিত সময়ে পরীক্ষা অনুষ্ঠিত হয়নি, সেসব বিদ্যালয়ে আগামী ১১ থেকে ১৫ ডিসেম্বর পর্যন্ত (শুক্র ও শনিবার ছাড়া ৩ দিন) ছুটি বাতিল করা হলো। একই সঙ্গে এই দিনগুলোতে স্থগিত থাকা পরীক্ষাগুলো গ্রহণের বিষয়ে প্রয়োজনীয় ব্যবস্থা নিতে অনুরোধ করা হয়েছে।

প্রাথমিক ও গণশিক্ষা মন্ত্রণালয়ের প্রকাশিত বার্ষিক ছুটির তালিকা অনুযায়ী, আগামী ১১ ডিসেম্বর থেকে সরকারি প্রাথমিক বিদ্যালয়ে শীতকালীন ছুটি শুরু হওয়ার কথা ছিল। তবে শিক্ষকদের আন্দোলনের কারণে পরীক্ষা অনুষ্ঠিত না হওয়ায় সেই ছুটি বাতিল করে পরীক্ষা গ্রহণের নির্দেশ দিলো প্রাথমিক শিক্ষা অধিদপ্তর।